

Forskrift om gebyr for sakshandsaming og kontroll etter forureiningsregulverket, Vågå kommune, Innlandet fylke

Heimel: Fastsett av Vågå kommunestyre dd. mmmm 2024 med heimel i lov 13. mars 1981 nr. 6 om vern mot forurensninger og om avfall (forurensningsloven) § 52 a og forskrift 1. juni 2004 nr. 931 om begrensning av forurensning (forurensningsforskriften) av §§ 2-12 og 11-4 og forskrift 28. juni 2018 nr. 1060 om forbud mot bruk av mineralolje til oppvarming av bygninger § 11.

Kapittel 1 – Generelle føresegner

§ 1-1. Formålet til forskrifta

Forskrifta gir kommunen heimel til å dekke kostnadane ved sakshandsaming, tilsyn og kontroll som kommunen har som forureiningsmynde etter forurensningsloven, forurensningsforskriften og forskrift om forbud mot bruk av mineralolje til oppvarming av bygninger.

§ 1-2. Verkeområdet til forskrifta

Forskrifta omfattar forhold der kommunen er myndeutøvar etter kapitla 2, 12, 13, 15 og 15A i forurensningsforskriften og i forskrift om forbod mot bruk av mineralolje til oppvarming av bygninger.

Forskrifta omfattar gebyr for sakshandsaming, tilsyn og kontroll med:

1. Opprydding i forureina grunn ved bygge- og gravearbeid (forurensningsforskriften § 2-12)
2. Utslepp av sanitært avløpsvatn frå bustadhus, hytter og liknande (forurensningsforskriften § 11-4, jf. § 12-4)
3. Utslepp av kommunalt avløpsvatn frå mindre tettbygd område (forurensningsforskriften § 11-4, jf. § 13-4)
4. Utslepp/påslepp av oljehaldig vatn (forurensningsforskriften § 11-4, jf. § 15-4)
5. Påslepp av feitthaldig vatn (forurensningsforskriften § 11-4, jf. § 15A-4)
6. Forbud mot bruk av mineralolje til oppvarming av bygningar (forskrift om forbud mot bruk av mineralolje til oppvarming av bygninger, § 11).

§ 1-3. Kva gebyra dekker

Gebyr etter denne forskrifta skal dekke kostnadane kommunen har med sakshandsaming og kontroll eller tilsyn på dei områda forskrifta omfattar, medrekna løpande dokument- og systemkontroll og stadlege tilsyn etter vurdering av behov.

Gebyra skal ikkje overstiga kostnadane kommunen har ved sakshandsaming eller tilsyns- og kontrollordningar, og blir rekna ut i tråd med sjølvkostprinsippet.

Gebyrsatsar etter denne forskrifta inngår i gebyrregulativet og blir vedtatt årleg av kommunestyret.

§ 1-4. Gebyrplikt

Gebyr for kontrolltiltak kan fastsetjast som årlege gebyr, sjølv om kontrolltiltak for det enkelte anlegget eller tiltak blir gjennomført sjeldnare enn kvart år.

Gebyrplikt for årlege gebyr trer inn frå og med den betalingsterminen bruksløyve for anlegget er gitt.

Gebyrplikt for årlege gebyr blir stansa frå og med den betalingsterminen etter at anlegget er tatt ut av drift i tråd med gjeldande forskrifter.

§ 1-5. Innkreving

Den som får utført tenester etter denne forskrift skal betale gebyr. Gebyr reknast etter dei satsane som gjeld på det tidspunkt komplett søknad er motteken av kommunen.

Fullt sakshandsamingsgebyr skal betalast òg ved avslag på søknad.

Gebyra er tvangsgrunnlag for utlegg jf. forurensningsloven § 52 og tvangsfullbyrdsloven § 7-2 bokstav e.

§ 1-6. Klage

Om det fattast enkeltvedtak med heimel i denne forskrifta, kan dette klagast på etter reglane i forvaltningsloven. Gebyr må betalast innan forfallsdato sjølv om gebyrvedtaket er klaga inn.

Gebyrsatsar fastsett av kommunestyret inngår i betalingsregulativet og kan ikkje klagast på.

§ 1-7. Mangelfull søknad

Dersom søknaden som kommunen mottek er mangelfull, kjem det tilleggsgebyr per mangelsbrev. Tilleggsgebyret fakturerast samstundes med at mangelbrevet sendast ut. Tida det blir rekna gebyr for omfattar arbeidet kommunen har med å skaffa dei nødvendige opplysningane, opplysa tiltakshavar om manglar, eller liknande arbeid. Gebyret gjeld alle påfølgjande kapittel i denne forskrifta.

§ 1-8. Gebyr for anna fakturerbart arbeid

Gebyrpliktig arbeid etter forurensningsforskriften kapittel 2, 12, 13, 15 og 15 A og forbud mot bruk av mineralolje til oppvarming av bygninger som ikkje fell inn under andre føresegner i dette kapitlet, fakturerast etter medgått tid. I spesielle / atypiske saker kan kommunen på førehand avgjerde at saka blir fakturert etter medgått tid.

Timepris		Berekningseining	Gebyr
Vnr Y	Gebyr for medgått tid	Per time	Kr X,-

Kapittel 2 – Gebyr for sakshandsaming og kontroll med opprydding i forureina grunn ved bygge- og gravearbeid

§ 2-1. Verkeområde

Kapitlet gjeld gebyr for sakshandsaminga til kommunen og kontroll i samband med opprydding i forureina grunn ved bygge- og gravearbeid, jamfør kapittel 2 i forurensningsforskriften.

§ 2-2. Gebyr for sakshandsaming og kontroll

Det skal betalast eingongsgebyr for sakshandsaming og for kontroll ved søknad om godkjenning av tiltaksplan.

Gebyra dekker sakshandsaminga til kommunen og dessutan oppgåvene kommunen har med kontroll og oppfølging i etterkant.

Sakshandsamingsgebyret er likt og blir fakturert per tiltaksplan.

Kontrollgebyret kan differensierast etter risiko for skade på helse og miljø. Differensieringa kjøym fram av gebyrregulativet.

Gebyret blir belasta tiltakshavar.

Kapittel 3 – Gebyr for sakshandsaming og kontroll med utslepp av sanitært avløpsvatn

§ 3-1. Verkeområde

Kapittelet gjeld gebyr for sakshandsaminga til kommunen og kontroll av utslepp av sanitært avløpsvatn frå bustadhus, hytter og liknande, jamfør kapittel 12 i forurensningsforskriften.

§ 3-2. Sakshandsamingsgebyr for handsaming av søknad

Det skal betalast eit gebyr for sakshandsaming ved:

1. Ny søknad om utsleppsløyve inntil 15 personekvivalentar (pe).
2. Ny søknad om utsleppsløyve over 15 pe, inntil 50 pe.
3. Søknad om endring av utsleppsløyve.

Gebyret blir belasta tiltakshavar.

§ 3-3. Årleg gebyr for kontroll/tilsyn av anlegg med utslepp

Det skal betalast eit årleg gebyr for kontroll og tilsyn av avløpsanlegg.

Gebyret blir rekna per anlegg.

Det årlege gebyret blir belasta eigar av avløpsanlegg.

Kapittel 4 – Gebyr for sakshandsaming og kontroll med utslepp av kommunalt avløpsvatn frå mindre tettbygde område

§ 4-1. Verkeområde

Kapittelet gjeld gebyr for sakshandsaminga til kommunen og tilsyn og kontroll av utslepp av kommunalt avløpsvatn frå mindre tettbygde område, jamfør kapittel 13 i forurensningsforskriften.

§ 4-2. Sakshandsamingsgebyr for handsaming av søknad

Det skal betalast eit eingongsgebyr for sakshandsaming ved:

1. Søknad om utsleppsløyve
2. Søknad om endring av utsleppsløyve.

Gebyret blir belasta tiltakshavar.

§ 4-3. Årleg gebyr for kontroll/tilsyn av anlegg med utslepp

Det skal betalast eit årleg gebyr for kontroll og tilsyn av avløpsanlegg .

Gebyret blir rekna per anlegg.

Det årlege gebyret blir belasta eigar av avløpsanlegg.

Kapittel 5 – Gebyr for sakshandsaming og kontroll med utslepp eller påslepp av oljehaldig avløpsvatn

§ 5-1. Verkeområde

Kapittelet gjeld gebyr for sakshandsaming og kontroll/tilsyn kommunen har med utslepp eller påslepp av oljehaldig avløpsvatn frå:

- a. bensinstasjonar,
- b. vaskehallar for køyretøy,
- c. motorverkstadar,
- d. bussterminalar,
- e. verkstadar og sentralar for klargjering av køyretøy, anleggsmaskinar og skinnegåande materiell
- f. anlegg for handsaming av understell

som enten har vaskeplass, smørjehall, servicehall eller liknande, jamfør kapittel 15 i forurensningsforskriften.

§ 5-2. Sakshandsamingsgebyr for handsaming av søknad

Det skal betalast eit gebyr for sakshandsaming ved:

1. Søknad om løyve til utslepp eller påslepp av oljehaldig avløpsvatn
2. Søknad om endring av løyve til utslepp eller påslepp av oljehaldig avløpsvatn

Gebyret blir belasta tiltakshavar.

§ 5-3. Årleg gebyr for kontroll/tilsyn

Det skal betalast eit årleg gebyr for kontroll og tilsyn av anlegg ol. som nemnt i § 5-1.

Gebyret blir rekna per anlegg.

Det årlege gebyret blir belasta eigar av anlegg.

Kapittel 6 – Gebyr for sakshandsaming og kontroll av feitthaldig avløpsvatn

§ 6-1. Verkeområde

Kapittelet gjeld gebyr for sakshandsaming og kontroll/tilsyn kommunen har med påslepp av feitthaldig avløpsvatn frå verksemd, jamfør kapittel 15A i forurensningsforskriften.

§ 6-2. Sakshandsamingsgebyr for handsaming av søknad

Det skal betalast eit gebyr for sakshandsaming ved:

1. Søknad om løyve til påslepp av feitthaldig avløpsvatn frå verksemd
2. Søknad om endring av løyve til påslepp av feitthaldig avløpsvatn frå verksemd

Gebyret blir belasta tiltakshavar.

§ 6-3. Årleg gebyr for kontroll/tilsyn

Det skal betalast eit årleg gebyr for kontroll og tilsyn av verksame feittutskiljarar.

Gebyret blir rekna per feittutskiljar.

Det årlege gebyret for kontroll og tilsyn blir belasta eigar av feittutskiljar.

Kapittel 7 – Gebyr for tilsyn med forbod mot fyring med mineralolje

§ 7-1. Verkeområde

Kapittelet gjeld gebyr for tilsynet kommunen gjer i samband med forbodet mot fyring med mineralolje etter forskrift om forbud mot bruk av mineralolje til oppvarming av bygninger.

§ 7-2. Eingongsgebyr for tilsyn

Det skal betalast eit eingongsgebyr ved tilsyn dersom kommunen avdekkjer lovbrøt.
Gebyret blir belasta eigar.

Kapittel 8 – Ikraftsetjing

§ 8-1. Ikraftsetjing

Forskrifta trer i kraft frå dd. mmmm 2024. Samstundes opphevast: